

## 24

**BA- ETA GABE-REN IDAZKERA (\*)**

Batasuna egina den kasu batzuetan, Euskaltzaindiak araua zein den orotarazi besterik ez du egiten:

- 1) *Ba-* aurrizkia baldintza markatzeko hizkia da kasu batzuetan:

*Mikel etortzen bada elkarrekin afalduko dugu.*

- 2) Beste batzuetan, ordea, ez:

*Badator Mikel.*

Bietan aditzarekin batera idatzi behar da, bereizketarik egin gabe. Hala ere, baldintzazkoa ez denean, hizki horren eta aditzaren artean beste hitz batzuk ere sar daitezke. Orduan, *ba* bakarrik idatzi behar da:

*Ba omen dator Mikel.*

*Ba ote dator Mikel?*

Beraz, salbuespen hori kenduta, *ba* beti aditzarekin elkaturik idatzi behar da.

\* \* \*

*Gabe* hitza, aldiz, bereiz idatziko da:

*Argirik gabe.*

Dena dela, aldaera bati baino gehiagori ematen dio bide hitz honek. Partitiboaren marka har dezake *gabe*-ren aurreko hitzak nahiz *gabe*-k berak. Bi hitzak markarik gabe ere ageri daitezke, ondoko adibideotan ikus daitekeenez:

*Argirik gabe*

*Argi gaberik*

*Argi gabe.*

---

(\*) *Oharra:* Arau honek lehendik harturiko erabakia zehazten/aldatzen du. Ikus *Euskera* XVII, 1972, 168-173. orr.; *Euskera* XVI, 1971, 156-159. orr.

Biek, ordea, ezin dute aldi berean hartu marka:

*\*Argirik gaberik*

Gaberik hitzaren aldaera da *barik* forma ere, oso erabilia dena. Hau ontzat eman behar da, jatorrizko formatik aski urrundua da eta:

*Argi barik*

**Horrenbestez, hauxe da Euskaltzaindiaren erabakia: elkarturik idatzi behar da *ba-*, baina bereiz *gabe*.**

*Lotsagabe* eta *kidekoei* dagokienez ikus Euskaltzaindiaren hitz elkarketari buruzko araua.

(Euskaltzaindiak, Oiartzunen, 1994ko abenduaren 29an onartua)